

توقۇن كىچىك مەكتەپى

سىياسەت ۋە ئىقتىسادىيە

مۆلۈى :

پارس باش شەندەر سابىق

دوكتور لۇطفى

پارس علوم سىياسىيە مەكتەپىدەن مەزۇن ، پارس دارالفۇنۇنى خەمۇى
فاكولتەسنىك لىسانسىيە دىپلومەسىلە علوم سىياسىيە ۋە ئىقتىسادىيە
دوكتورا رۇسنى خائۇز و طىيب

بىرىنجى طبعى

ص. ۱۱۸

مطبعة مىلى

استانبول - جنال اوغلى يوقوشى نومرو ۳۸

۱۳۴۰

مكتبة
مجلس
تبریز

تولک کی سیاست

و سیاست ملیہ و اقتصادیہ

مؤلفی :

پارس باش شہنادر سابق

دوقنور

پارس

پارس علوم سیاسہ مکتبندن مأذون ، پارس دارالفنونی حقوق
فاکولتہ سنک لیسانسیہ دیپلومہ سیلہ علوم سیاسہ و اقتصادیہ
دوقنورا رؤسنی حائز و طیب

برعجبی طبعی

مطبعة ملی

استانبول - جفال اوغلی یوقوشی نوسرو ۳۸

۱۳۴۰



دوفنور لطفى بك

جمهوریت و خلقجیلق — اختلافات نسلیه و لسانیه نك سیاست عمومی و اقتصادی اوزرنده کی تأثیری — برملتك یاشایه بیلیمی نهیه متوققدر؟ — تورك وطنپرورلری — فرقه احراك عدم موقفیتنه سبب نه؟ — عناصر غیر مسلمه نك توركیه و توركلكه اولان مضر تلری — موزوروس دیکیس و همپایی — همانلی ایمراطورلنك سیاست و اقتصاداً افلاسنه سبب نه در؟ — اتحاد و ترقی و حریت و ائتلاف — ملیجلك نصل باشلادی؟ — ارضروم و سیواس قونفره لری — صوك انقلاب نصل دوغدی؟ — ملترك تراجم احوالی — جمیات ابتدائیه ده ملتلر — ازمنه قدیمه ده حکمدارلر مطلقیت اداره و حاکمیت ملیه — برملتك ترقی و تمایلی نهیه متوققدر؟...

جمهوریت؛ حاکمیت ملیه اصولنه استناد ایدن اك مترقی ملتلردن خلقجیلق [۱]، و ده موقراسی، پرنسیپلرینی مدرک و بواساسلره مدد قوایش ایله تشکیلات اقتصادی سنه صاحب مملکتلره مخصوص متکامل شکل حکومت در.

برمملکتك تشکلات اقتصادی سی، اومملکتك استقلالیت سیاسییه مظهریتیه ممکندر. یعنی، برملتك تشکلات اقتصادی سی اوملتك حاکمیت سیاسییه مالک اولسنه، جدی، مستقل بر دواب شکلی آله بیلیم سنه متوققدر.

[۱] جمهوریت و خلقجیلق نامنده کی اثر مزده تفصیلات ویربله جکدر.

عناصر مختلفه دن مرکب اولان عثمانلی ایمپراطورلنک استقلال سیاسی و اقتصادیه مناع اوله رق اختلافات نسلیه ولسانیه دن زیاده دین مسئله سی اوکه سورولوردی .

تورکلر ؛ یالکز قرآن کریمک احکامنی بلا تغیر قبول ، باب عالی حکومتی ده تشکیلاتی دینه استناد ایتدیره رک ترقیات حاضره مدنییه قواعد دینییه مخالف عد ایتدیکندن عناصر خرستیانیه بوندن متضرر اولور دینلوردی . بونی وسیله اتخاذایدن دول اجنبیه ، تورکلرک تمدن و ترقیسنه مانع اولماق ایچون مملکت مزحقتده اوینادقلری تشویقات خفیه روللری ایله عناصر خرستیانییه یی علیهمزه قیام ایتدیریور ، و عثمانلی ایمپراطورلنک انقسامنه چالیشیورلردی که سیسام ، جبل لبنان ، قره طاغ ، بولغارستان الخ ... کبی ممالکک عثمانلی ایمپراطورلغندن آیرلمسی بوپولتیقه نک نتیجه سیدر .

حق و قتله اورو پاسیاسی تقسیماتی ده ملتلی خرستیانلق و خرستیانلق خارجی نامرلیله تفریق ایله دیکندن تورکلره قارشلی بر نوع عداوت بوپولتیقه سی تعقیب اولونیوردی .

اختلافات نسلیه ولسانیه نک برملتک سیاست ، و اقتصادیه سی اوزرینه اولان تأثیری او مملکتده مسکون عناصرک وجدان ملی وحشیات ملیه لرینک درجه سیله متناسبدر .

مع التأسف ، عثمانلی ایمپراطورلغنده بومسئله یه اهمیت ویرلمسی عثمانلی عنصرلرینک ، حتی مسلمان اولانلرندن بعضیلرینک تورکیه دن آریله رق برر اداره ممتازه تشکیل ایتمه لرینه سبب اولمشدر .

هرشیده اولدینی کبی بو اختلافات نسلیه ولسانیه نظریه سنکده

استنالی و اردرکه بوکا ، اسویچره دول متحده سی بو یوک بر مثال
ارائه ایده بیلیر ...

اسویچره ده او یله قوتلی برحسیات ملیه و اردرکه اختلافات دینی
و لسانیه و حتی بعضاً اختلافات سیاسییه رغماً هیئت متحده نك
موجودیتی اصلاً موقع بحته قونامش و اوراده سیاسی و اقتصادی
شایان حیرت بر فعالیت حیاتیه مشهود اوله ککشد .
چونکه بر مملکتك قانون ترقی یی تعقیب ایده بیلمه سی ، یعنی
پاشایه بیلمه سی ایچون او مملکتده :

اولا : — وحدت حسیه و حسیات ملیه ،

ثانیاً : محبت و وطنیه ،

ثالثاً : استعداد ترقی ،

رابعاً : — منافع شخصی نك منافع عمومیه یه فداسی ،

خامساً : — عدالت اجتماعییه عائد بروحدت حسیه ،

کبی بر طاقم شرائطك بولونمسی و او ملتك کندی احتیاجات
اصلیه سنی خارجه ، اجانبه محتاج اولمقسزین کندی محیطنده تدارك
و محصولات ابتدائیه سنی بالذات اعمال ایده بیلمه سی کبی اوصافك
وجودی لازمدر .

بو اوصاف ، بوشرائط داخلنده برر قانون تحول و انقلاب
تعقیب ایده رك فیض آلمش ، ایلریله مش اولان اوروپا ممالك متمدنه سی
کبی مملکت مزكده بوفیضدن ، بوترقیدن حصه دار اوله بیلمه سی ،
بزده ده خلقك بواحتیاجات ، بوشرائط حقنده بر فکر ایدنمه سی
ایچون تورکیه ده دخی یاریم عصر دن بری انقلاب نشانه لری باشلامش
و بومیانده مملکتده جداً خدمت ایتمک ایستین ، و حتی بو بو یوک

مقصد اوغورنده فدای حیات ایدن بر چوق وطنپرورلرده
یتشمشدر .

برملتک تنویری ، ترقیسی امرنده اک زیاده خدمت ایده نلر ،
او عملکتک زمره احراری اولدیغندن بزبوراده تورک وطنپرورلرینک
صوک یکریمی بش سنهک شکلی و خدمتی قیسه حق کوزدن کچیرمک
ایسترز .

فی الحقیقه بوندن یکریمی بش سنه اول بزده تجدد و ترقی
فکرلرینه چیغیر آجان ارباب قلمک یازیلرینه قارشی وجدان ملی
بویوک براشتیاق ، بویوک بر رنبت کوسترمکه باشلامش و بو حال ،
فکرحریتی ، فکر فیض و ترقی اذهان عمومیه ده بسله مکه باشلامشدی .
وجدان عمومی ده بوکمی اکابر ملت قارشی درین بر حرمت ، بو
زمره نك حسیات و افکارینه قارشی بویوک برانهماک ، بر رغبت موجود
ایکن سلطان حمیدک اطرافنی قوشادان ، باب عالی بی اووچلری
ایچنه آلان بر طاقم اشخاص موقع استبدادک تهدید ایدلش اولماسندن
تلاشه دوشه رک زمره حریتدن بر قسمنی یوقاریده سوبله دیکمز
شرائط ملیه دن ، از جمله جدی رحبت و طنیه نك فقدانیه مبنی عطیه لر ،
مأموریتلرله سکوته مجبور و بوتکلیقی قبول ایتمینلری جنایت محکمه لری
واسطه سیله محکوم ایتدیرمکه باشلامش و بوسبیل بزرده کی زمره حریت ،
کرک خارجه و کرک داخله ناقابل اعتماد بر شکل آلمشدی . [۹]

[۹] بوکمی محکومیتلرک بر نمونه سی اولقی اوزره درساعات جنایت محکمه سنک
اعلام صورت مصدقه سنک خلاصه سی عیناً درج ایدیورز :

درساعات جنایت محکمه سی اعلامی خلاصه سی

لوندربه فرار ایله اوراده فساد آمیز غزه چیقارمقی نیتده بولوندی
وارباب فساد ایله مخبره ایتدیکی اداسیله منم بولنان دو قوتوراطنی حقنده اجرا

ملتك فرقه احراره التحاق ايدن يبانجي، ساخته احرار يوزدن
 منسلب اولان اعتماد و امنيتي بالاخره اوروپايه التجا ايدن بعض
 اكابر مملكتك تشبثات جديهييله ۱۹۰۱ ده پارسده تشكيله موفق
 اولديغمز عثمانلي قونفرهسي نتيجه سنده وطنمرك استقلال تامي ايجون
 اتخاذا ايديلن مقررات واتخاب اولنان هيئت دائمه؛ طرابلس غريبده
 بولنان مرحوم رجب پاشانك دخي اشتراكيله داخلي بر حركت
 عظيمه اجرا ايديهيله جك برقوته استناد ايتمش وداخلده كي حركات
 عظيمه يه، انقلابه يقيندن نظارت ايتك او زره آتیه كيده رك ايشه
 باشلامش ايكن هيئت آره سنده ظهور ايدن اختلافات نتيجه سنده
 وباخصوص اعضا مياننده بولنان (واسيلا كي موزوروس) نامنده كي
 خريستيان وطنداشمرك انترقه سي وینه بو هيئت اعضاسندن مرحوم
 اسماعيل كمال بكك الفآتي نتيجه سي اولاره ق بوجميت ده داغيلور مشدره
 احرار مملكتك فدا كارلئيله وجوده كلن بوجميت، عثمانلي

قلنان محاكمه نتيجه سنده مرقومك بعض رفقاسيله لوندرده تركيه و عربجه وانكلئيزجه
 اوله رق فساد آميز غزته چيقارمق نيتنده بولونديني و ارباب فساد ايله مخبره
 ايتديكي و كندوسنك ارباب فساددن اولديني قوميسيون مخصوصك مضبطه سي
 مندرجاتي ايله تبين ايتديكندن مرقومك اهل فساددن اولق اوزره مجرميته
 وقانون جزائك اللى سكرننجي ماده سنك برنجي قمرسي حكمنه توفيقاً مؤبداً قلمه
 بند ايدلسنه و اوتوز برنجي ماده قانونيه موجبنجه حقوق مدنيه دن بالاسقاط محصور
 اموالنك اداره ايتديرلسنه؛ اغستوس ۳۱۷ تاريخنده بالاتفاق قرار و يرلدكي
 قيداً اكلاشلمشدر.

جناب محكمه سي مهري

امضا

خلوصي

امضا

باش كانب

احمد نوري

كېي توركله يېانجى مضر اشخاص [*] قوجه عثمانلى ايمپراطورلغىنك بونكونكى حال موسنى ايچون اك بويوك عامل اولمشلردر .

[*] يېانجى عناصر ايچنده ماهرانه برطرزده توركلهك محوضه چالشانلرك اك قوتلىرى يهوديلردر . بوميانده (نه مانوئل قره صو) ايتاليانلرله ، روس باش ترچان روسلرله ، اسكى خاخم باشى - وقتيله استانبولده آمرقا سفيري اولان موسرى مورغن طاوله برلكده آمرقايلىرله ، جاويد بك ، فرانز موسوى وهران - ماسونلرله چالشمقده ايدلر . جاويد بك ، اك بويوك حاميسى واليوم مملكتمزدهكى فرانزمؤسسات ماليه سنه رياست ايدن موسوى برفرانزواسطه سيله زايد صاف وحسيانته مغلوب فرانزلرى عليهمزه تشريقه چالشمقده دركه عصمت پاشانك لوزان معاهده سنك تصديقي هنكامنده بويوك ملت مجلسندهكى بوصوك ذاته تائد ايعالريده بو حقيقتى كوستر .

جاويد بك هم جنسى اولان آلمانيا اسبق ماليه ناظرى دوقتور هلفريخ واسطه سيله آلمانىاده هين صورتله برچوق استقراضلر عقدايله مش وآلمان سرمايه دارلره خزينه دولت ايچون ضررلى و سرمايه دارلر ايچون چوق كارلى شرائط ايله استانبول بايزيد ، شيشلى متره بولمىنى ، شيشلى بيوك دره تراموايى وامثالى كېي امتيازلى ويرمش وبوصورتله آلمان محافل ماليه سنك ده فرانز محافل مهمه ماليه سى كېي مظاهرت قويه سنى شخصى ايچون تاامين ايله مشدر . بويوك سرمايه دارلرك سياست دوليه اوزرندهكى نفوذ فوق العاده سنى بيلنلر جاويد بكك منفعنلرينه بو قدر خدمت ايله مش اولدينى بو بيوك سرمايه دارلر واسطه سيله اجرا ايدم بيله جكى تلقينات مضره بك اهميتنى تقدير ايدلر .

حسيانته مغلوب اولارمق دوستنى ودشمنى طائىماق خصوصنده فرانزلرك اوتهدن برى دوام ايدم كن خطالرى نظر دقتى جلب ايلكمده در .

فرانسه حكومتى ، حرب مهموى ائنانسنده مادي استفاده ايچون كنديلرله جاسوسلىق ايدن بعض تورك وطنداشلر مذك ! القاتيله - مجبوراً فرانسه ده قالايد توركلر حقنده تدابير شديد يه توسل ايتمش وبوتوركلى ، كوپا اتحاد وترقى يه منسوب اولدقلى ايچون بوتدائير شديد يه مجبور قالدېنى اعلان ايلمشدى .

اتحاد وترقى نك اك بويوك ومتمنفذ اعضاسندن و طلعتك مشاور خاصى جاويد بك فرانزلرك بونكون اك بويوك دوستلرى مياننده عدايد بيلور . بزم كېي فرانسه ده

بومیانده بالقان حربی ائسانسده خارجیه ناظرلنی مقامنه کتیریلن
(غابریل نورادونکیان) یدده اونو تمامق اقتضا ایدر .
متارکه نك عقدینی متعاقب سقوط ایدن (اتحاد و ترقی) نك شرندن

تحصیل و بکرمی سه اقامت ایدن حقیقی فرانسز دوستلرینك دشمن تلقی ایدلسی
کندیلرینك غفلتی کبسترکه آئیده اراؤه ایندی کمز مثال بوکا بردیلدر .
حرب عمومی ائسانسده چناق قلمه هزیمتی متعاقب تورکلر علیهنده کی غلیان
سیبیه اسیرچریه یکمش و متارکه نك عقدینه قدر لوزانده قالدقن صوکره مملکتمه
عودت ایله مشدم .

آرهدن برسنه مرورندن صوکره بعض فرانسز ضابطاننك علیهمده اداره
کلام ایندیگرینی ایشیتدم . بالاخره ملفا خارجیه نظارتی حقوق مشاوری
هرانت ائفندی ، فرانسه حکومتی طرفندن علیهمده بعض تدابیره توسل
اولندیفنی و بونی فرانسز باش ترجانندن ایشیتدیکنی سویلدی . بونک اوزرنه
سفارته کیتدم ، مسئله یی صوردم . باش ترجان موسیو کوئینه مسئله یی بالتحق
سز حرب عمومی ائسانسده برلین باش شهیندرلکنده بولندیفکز سرده فرانسه
علیهنده بولونمش و بناء علیه فرانسه یه کیده مه ملک اوزره سیاه لیسته یه داخل
اولمشکزر ، دیدی .

فی الحقیقه ، حرب عمومی بدایتنده آلتنجی دائرة بلدییه مدبری حقوق و وقتوری
لطفی بک نامنده برذات برلین باش شهیندرلکنه تعیین اولنهرق متارکه ابتدالانده
اوراده وقات و جنازه سی استانبوله نقل ایدلشددر .

حال بوکه ، حرب عمومی ائسانسده کی فرانسه استخبارات اداره سی ، بعض
اشخاصک انترقیه سی ایله بولطفی بکینی ظن ایده رک بویولده بررپور کوندرمی
سبب اولدیپی تظاهر ایله مشدر .

بو حالدده جدی و ناموسلی اولوب وطنی ایله فرانسه آراسنده کی حسن مناسباتی
مخافظه و تأیید و تقویه صرغ مساعی ایدن بزرکمی توزکری قسیره پارتی
مجادلاتی طولا یسیله فرانسه ده اهل وظیفه دار بولونماسی یوزندن تورکیه نك
یاخود تورکلرک فرانسه یه دشمن عد ایدلسی غفلتی بزهی ، یوقسه فرانسه نك
رجال دولتمی عطف ایدلیدر؟ ...

قورتولان افراد ملت کنیش بر نفس آلمغه باشلايه جنی برصره ده
ملتک باشنه دها پوسکوللی بلا اولاروق (حریت و ائتلاف) نامی
آلتنده مسلط اولان حمیت [*] ملته استناد ایده جکی یرده تورکلکک
ومسلمانلغک خصم بی آمانی اولان انکلیزلره استناد ایده رک مجلس
مبعوثانی فسخ ایتدیرمک، قوای ملیه یه، خلیفه اردوسی نامی آلتنده
اوجنون داماد فریدک القا آتیه و طنداشلریمزی یکدیگرینه قیدیرمق
کبی خیانت وطنیه جرأت واستانبول حکومتی انکلیزلرک آله تسلیم ایتمک
کبی شایان عفو اولمیزن جرائمی ارتکاب ایله مشردی. بویوک مأمورلرک
عزل و نصیبی هپ انکلیزلر طرفندن اجرا ایدیلدکلری کبی صحیه
وپولیس مدیریت عمومیه لریده تماماً انکلیزلرک آلتده ایدی. [**]

ایشته بوکبی حالات وعناصر اجنبیه نیک مملکتیمز حقنده بسله یه-
کلدکلری فکر سقیم و ازمیرک اشغالی کبی ملتک حیاته تعلق ایدن
وقایع، روح ماتده درین بر انفصال او یاندیرارق صرف تورکلک

[*] ۱۳۳۵ سنه سنده نشر ایتمکده ایکن فرانسر سانسورینک تشرین
ثانی ۱۹۱۹ تاریخی تذکره سیله دوجار تعطیل اولان میزان غزیه سنک
۱۰ تشرین اول ۱۳۳۵ تامخی نسخه سنده (نورعثمانیه دن سلطانیه یه) سرلوحه لی
مقاله مده بویکی جمیتک مملکته اولان مضر ترلرندن بحث ایله مشدم.

[**] پولیس مدیریت عمومیه سنه ایوم حال فرارده بولان نورالدین وحسن
تحسین بکر تعین ایتدیرلشدی.

دیون عمومیه قومیسرلکنه تعین ایدیلن راعب مک وظیفه سنه مباشرت
ایده جکی آتاده دیون عمومیه انکلیز دانشر وکیل بالذات باب عالی یه کله ره رک
بوتیمینه مانع اولسه، حدود صحیه مدیریت عمومیه سنه تعین ایدیلدیکم حالده اسکلیز
سانسوری (طومسون) ایله باش ترجمان (رایان) باب عالی یه کله ره رک بریه
کندی آدم لرندن بری تعین ایتدیرمی کی...

بره‌نسیلری اوزرینه حقیقی بر ملت پولیتیکه‌سی تعقیبه مجبوری
حاصل ایشدر .

بوتهلکله قارشى مملکتک مدافعه‌سی ایچون ایلک دفعه مجاهد
محترم کاظم قره‌بکر پاشا و رفقای محترمه‌سنگ تشبیه ارضروم ده
انعقاد ایدن قونغریه اوصرده مأموراً آناتولی یه‌کچن غازی مصطفی
کمال پاشا حضرتلری ده اشتراك ايله مشدر .

غازی پاشا حضرتلری، بالا خره سیواس قونغره‌سنى عقد ایده‌رک
(میثاق ملی) مری تثبیت وهیچ یوقدن اردولر وجوده کتیرمک
ویکیدن آناتولی ده بر تورک دولتی تشکیل ایتک صورتیه یونان
اردولرینی سوکیلی طویراقلریمزدن طرد و دکزه دوکک کبی
خارقه‌لره مظفریمزى تأمین و ملتیزی بوکونکی انقلاب مسعوده
نائل ایش و (تورکیه‌جمهوریتی) نک بانیسی و ایلک رئیس اولمشدر .
مشارالیه ايله رفقای محترمه‌سنگ خدماتی ا ضرور و سیواس
قونغره‌لریله سقاریا ، این اوکی الح ... محاربه‌لرینک صفحاتی
وقوماندانلرمزک تراحم احوالی تورکجه و فرانسزجه اولارهق آیری
بر کتاب شکلنده نشر ایده‌جکم ایچون شمдіلک بو خصوصده تفصیلات
ویرمکدن صرف نظر ایدیورم .

غازی پاشا حضرتلری و رفقای محترمه‌سنگ تشبیریه باشلایوب
اراده ملیه‌نک محصولی و ملتک فدا کارلنی ثمره‌سی اولارهق وجوده
کلن بوانقلاب، ملتک رفاه، سعادت و سلامتی تمامیه تأمین ایده‌بیلمه‌سی
سیاسی و اقتصادی اصلاحات تشبیه ممکن اولایلیر .

بواصلاحات تشبیه برابر انقلابمزک ، انقلابات فکریه و معنویه‌دن

دوغدینی و بوندن طولانی الی الابد پایداری اولاجغنی بالفعل اثبات
ایلك ایجاب ایدر . چونکه دولتمیزی متین اساسلره و تمللره استناد
ایتدیرمک محبوریتمده یز .

آنحق بوکی صاغلام اساسلره استناد ایدرک قوت بولان بردولت ،
مملکتک باعث حیاتی اولور که بزمده وطن و ملتیزنامه تمنی ایتدی کمز
جقیقی انقلاب بومثللو انقلاب در . حکومت جمهوریه مرکده بوکا
اهمیت ویره جکی محققدر .



ملتلك تراجم احوالی ، تعقیب ایتیش و ایده گلش اولدقلری
قوانین انقلابیه ، یعنی مادی و معنوی تحولات تدقیق ایدیلر سه بوتحولاتدن
برقسمنت برطاقم تحولات طبعیه دن ، یعنی ادوارانکشافیه دن و دیگر
قسمتکده برطاقم تبدلات مجبره دن ، یعنی انقلابدن عبارت اولدینی
کورولور .

انکشاف ؛ انقلاب انتاج ایدر و بوانقلابده برانقلاب مستقبله
مادر اولاجق یکی فکرلر تولید ایدر .

هریکی فکر ؛ بر اختیار و آرزو نتیجه سی اولدینی کی هرانقلابده
مطلقا برانکشاف نتیجه سی وقوعه کلیر .

بونی یازمقدن مقصدیمز ، اوروپا و آمریقاده یاپیلان پروپاغاندارله
ادعا ایدلیدیکی کی انقلابمز ، ملته جبراً قبول ایتدیرلش بر تحویلدن
عبارت اولمایوب بر دوره انکشافیه نتیجه سی اولارهق روح ملتدن
دوغمش اولدینی اثبات ایتکدر .

بوتك محسنا تي ، وطنداشلا ريمزك هنوز نور معارفدن محروم
اولان اقسامنه قدر تشميل ايتك لازمدر .

اكر انقلاب، ملتك محصول فكرو سعي اولمازوملت، اوانقلابك
هنوز نه ديمك اولديغني بيلمز، آكلامازسه تشكل ايدمك حكومت،
هيچ برشيته موفق اولادن سقوطه محكوم اولور .

ودولتده ، يالكز بوانقلابه وجود ويرن برقاج كيشينك
يد انحصارنده قاليركه (اتحاد و ترقى) حكومتى بوكا بويوك برمثال
تشكيل ايدور .



ملتير ؛ جمعيات ابتدائيةده بويوكلك كوچوكلكه تحكى اساسى
اوزرينه بنا ايدلمشلردى . حتى اسكى روماده برچوق جمعيتلر ،
كنديلرينه همجوار ودها قوى اولان هيئتله مقاومت
ايدم بيلمك ايچون برلشهرلك كسب قوت ايلديكدن صوكره سنه لرجه
ظلم واستبدادى آلتنده ياشادقلى اصلزاده جمعيتلرينى تارومار ايتك
صورتيله اعلان مساوات ايله مشلردى .

انسانلر ازمئه قديمهده ، فقدان معارفه مبنى حكمدار ايله
حكمدارلنك نه اولديغني تفريق ايدمك قوه ميزه دن محروم ايديلر .
خصوصيله اووقتلا ، حكومت لفظى يالكز حرب زماننده
قوماندا ايتك اوزره برآمر انتخابدن عبارت ايدى . مثلا : اهالى ،
ايچلرندن برعسكر نفرينى كنديلرينه آمر انتخاب ايدور ، بوآمر
اختيارلنده كندى اوغلنى خلف اولوق اوزره وصيت ايدردى كه
حكمدارلنك پرددن اولاده انتقالى اصولى ايسته بوصورتله باشلامشدر .

آسیاده کی حکومتلرده ایسه حکمدارلر، وظیفه سیاسیهدن باشقه
برده قیافت روحانییه بورونهرك اجرای سلطنت ایدرلردی .

حتی یقین وقتلره قدر اوروپا حکمدارلریده حق سلطنتی
کاملأ بویولده توارث ایدیورلردی که (اونیشنجی لوئی) بوقاعدهیه
توفیقأ ۱۷۷۰ پارلمنتوسنده :

« بز ، اکیلل سلطنتمزی طوغریدن طوغرییه جانب الوهیتدن
آلیورز که زیر دستمزد بولنان خلقلک انقیاد و اطاعته مجبور اولدقلری
قوانینی وضع ایتمک بلا اتباع و اشتراك بز ، یالکز بز عأددرد...
دیمشدی . ایشته بو طرز ادارهیه مطلقیت ودها طوغریسی
استبداد حکومتی تعبیر اولنور .

حاکمیتک ملتده اولدیفنه وملت نظریه لرینه استناد ایدن وبونی
مقالوه اجتماعیه نظریه لريله ادعا و اثبات ایله یین (ژان ژاق روسو) لر،
وبو حاکمیت ملیه اصولنک ادراک بشردن اقتباس اولدیفنه قائل
اولان (مابلی) لر ارباب انقلابدن عد ایدلمشلردر .

تورکیه جمهوریتینی حاکمیت ملیه اساسلری اوزرینه تأسیس ایدهن
غازی مصطفی کمال پاشا حضرتلریله رفقای محترمه سی ، تورک ارباب
انقلابی میاننده تاریخمزد دخی حرمتله یاد ایدیله جکلردر .



برملتک یالکز حاکمیت ملیه و صرف ملت پره نسیپلری اوزرینه
تعالیسنه خدمت اوقدر قولای برایش دکلدر .

چونکه برملتک ترقیات مدنیه سی ، اوملتک ملل ساثره ایله
اولان مناسبات عمومیه سنک درجه وسعتیه مبسوطأ متناسبدر .

بومناسباتك وسمنى نسبتنده زراعت، صناعت، تجارت ، خلاصه
نروت مليه يوكسلهجكى كچي برملىك ملل سائر ايله اولان مناسباتى
نسبتنده ده اوملىك عرفانى آرتار .

معارفى ترقى ايتمش برملىك افرادى ، كره عالم اوستنده كى
اقوامك وضعت تاريخه وجغرافيه سنى، احوال اقتصاديه وسياسيه سنى،
والحاصل كافه مناسبات مدنیه سنى بيلير واوكا كوره اوملىكله تأسيس
مناسبات ايدر . بومناسبات نسبتنده ده سياست مليه و اقتصاديه سنى
فنى برصورتده تنظيم ايلر ...

اقتصاد ملی

اقتصاد ملی فکری — بلچینا واسوچرہ نک تکملات اقتصادیسی — مختلف دولترک غروپ حالندہ برلشمہ لرینہ سبب نہ ؟ — صوک سوز کیمده ؟ قزای حربیہ دہ می ، یوقسہ قوای اقتصادیہ دہ می ؟ — تورکیانک مظفریتی و یونانستانک افلاسی سبیلری — ایکی حیاتی مسئلہ : استقلال سیاسی واستقلال اقتصادی — اقتصاد ملی نک انکشافی ایچون نہ یاپمیلی ؟ — اقتصاد ملیدن مقصد نہ در ؟ — آسیای صغری و آناتولی — صنایع ملیہ مز یکیدن احیا ایدیلہ مزمی ؟ — بین الملل تجارت ومبادلہ نک اہمیتی — اجنبی سرمایہ سی — تجارت معاہدہ سی

ازمنہ عتیقہ دہ اقتصاد ملی نہ دیمک اولدینی بیلنہ مہ مشدر . چونکہ اقتصاد ملی فکری ، تشکلات مدنیہ نک یعنی عصر حاضر دہ کی اشکال متمدنہ دولیہ نک مبدأ تأسسیلہ باشلامش برشیدر .
بودہ فکر سیاسی و فکر اقتصادی نقطہ نظرندن ملیت نامی ویریلن ہیئت لر و بو ہیئت لرک منسوب اولدینی مملکت لرہ نسبتلہ تخالف ایدرکہ بوسبیدن تکملات مذکورہ عصر حاضرہ قدر تأخر ایتشددر .

سیاسیونک ادعاسنجہ : مدنی برملت ؛ برلسان مخصوصہ ، واسع اراضیہ ، منابع متعددہ اعتباریلہ نفوس کثیرہ یہ مالک اولملی در .
نفوس کثیرہ ، اراضی واسعہ — منابع مختلفہ برملت متمدنہ نک عناصر اساسیہ سندن درلر . زراعتہ ، صنعت اعمالیہ یہ ، تجارتہ ، سیر سفائتہ مالک برملت تکمل ایتمش صاییلیر .
بونکہ برابر ، نفوس کثیرہ ، غایت واسع اراضیہ مالکیت

ثروت ملیه نك عنصر اصلیه سندن اولاجنی دائما ادعا یتكده
صحیح اولاماز .

یالكز اوتوز بیک کیلومتر و بر اراضیه مالک اولان بلجیقا
دولتی اراضی محصوره سی اوزرنده، اوقدر محدود بر مملکت اوستده
وجودی تصور ایدیه میجك قدر جسم بر سکنه وعظیم بر قدرت
اقتصادیه حاکم در .

نفوسی آنجقیدی میلیوندن عبارت بلجیقاده، بر ملتک موجودیتی
حقنده تمی ایدیه جك کافه شرائط موجود در .

اراضیسی بلجیقادن دها محدود و بو اراضینک بر قسم اعظمی
ناقابل اعمار اولان اسویچرده شعبات اعمالک بعض اقسامنده غایت
مکمل وفوق العاده صنعتکارانه و پارلاق بر شکل اقتصادییه تصادف
اولنور. اسویچرده زور یخ کبی ایپه کیلک نقطه نظرندن ال برنجی اوروپا
مخرج محصولاتندن معدود اولان مراکز صناعیه تصادف اولنور.
بوندن باشقه زراعتدن متشعب اولوب سوت ، پیر ، اعمالی کبی
طاله نمونه امتثال اولان غایت مکمل صنایع موجود در که ممالک
سائرده بوکا بکزر تکملاته تصادف قابل اولاماز .

بونک ایچون محدودیت نفوسیه و اراضیه بر ملتک تکملات
عمومیه سنه مانع اولاجنی نظریه سی هر زمان قابل تطبیق دکل در .



دولت لرك قسم اعظمك اشتراك ایلدیکی حرب عمومی بزده
بو یوك درس لر یر مشدر .

بر دولتک مجادله حیاتیه ده غلبه ایله بقاسنی تأمین مقتضی شرائط ،
اقتصاد علمند ، لایق له بیلنمسنه متوقفدر .

حرب عمومی به اشتراك ایتمش اولان دولتر ، هر برینك اقتصاد
ملی ساحه سنده کی کفایتسز لکنه چاره ساز اولق اوزره بر آرایه کله رك
انسانای مجادله ده سرمایه و وسائل استحصاله واستهلا کیه ایله یکدیگری نه
متقابلاً معاونت لزومی حس ایتمشدر .

دولتلك بویه مختلف هروب حالنده برلشمه لری یالکز یکدیگری نه
قارشی عظیم اردولر چیقارمغه مقتضی بر لزوم عسکری اولمایوب
بالخاصه ادامه حیات و مجادله ایچون استحصال و مبادله واسطه لری
برلشدریمکه مقتضی بر لزوم اقتصادی اوزرینه اولمشدر .

بونك ایچون صوك سوز اردولرك قوتنده اولمایوب یکدیگری نه
تقابل ایندیریلن قوای اقتصادی ده ایدی . غلبه ، قوای اقتصادی سی
فضله اولوب آنی حسن صورته استعمال و اداره ایده بیلن طرفده قالمشدر .
بودرسلر ، اقتصاد نقطه نظرندن حرب عمومینك کنديسنی
القایش اولدینی اوچورومدن قورتارمغه موفق اولان تورکیه
ایچون صوك درجه جالب نظر دقتدر .

بومظفریت ، یالکز قیمتی غیرقابل اعتراض اولان غیوراردولر
وفداکار قوماندانلر سایه سنده اولمایوب ملتک مقاومت اقتصادی سی
واسطه سیله یونانستانه میدان حربده اولدینی قدر ساحه اقتصادده
دخی موفقیتنی تأمین ایله مشدرکه یونانستان افلاسه سوروکلنمش
واردوسنك احتیاجاتی تدارکدن عاجز قالش و پاره سنك قیمتی پك
دوشکون بر حاله کلشدر . حال بوکه تورکیه وضعیت اقتصادی سنی
اولدجه ثابت بر حالده بولوندیرمغه موفق اولمشدر .

بوتیجه ایسه ایکی واسطه ایله استحصال ایدلمشدر :

اولا مملکتک اقتصادی ثروتلری ، ثانیاً کندیسنده مفقود اولان
وسائط اقتصادییه قائم اولوق اوزره دوست دولتلرک ماهرانه برطرزده
یاردمی ...



بو کون تورکیه جمهوریتی اقتصاد ساحه سنده ایکی مسئله حیاتیه
قارشو سنده بولونمقده در :

برنجیسی : استقلال سیاسی آغیر فدا کارلقلرله استحصال
ایتدکن صوکره استقلال اقتصادییه تأمین ایچون وسائط استحصالیه
واقتصاد ملیسی علمی وفقی بر صورتده تنظیم وانکشاف ایتدیرمک در.
بویکنجی همت ، استقلال ساسی ایچون یاییلان فدا کارلقلردن
دها آغیر ودها کوچدر . لکن تورکیه جمهوریتی آنجیق مملکتک
بالعموم تشبثات و قوای اقتصادی سنک سوره کلی غیرتی ایله استقلال
اقتصادیسی اجانبه فارشی تقریر و بوسایه ده استقلال سیاسیسی ادامه
ایتدیره بیله جکدر .

ایکنجی سی : اقتصاد ملینک انکشافه مقتضی مساعی کامله سنک
صرفیه برابر بو خصوصک بین الملل تجارت ایله تألیفی واستهلاکات ایله
استحصالاتک بین الملل مبادلات ایله اکملی ، تعیر آخرله اقتصاد
ملینک بین الملل تجارت ، دوست دولتلرک مبادلات احتیاجاتی ایله
تألیفنه موفق اولمقدیر . چونکه هر دولت نه مرتبه مستقل اولورسه
اولسون استحصالاتی مبادله و کندیسنده مفقود اولوب صرف نظر

ایده میه جکی استحصالات و قوای سائره ایچون کرک ساحه اقتصاد و کرک ساحه سیاسیده دیکرینه مراجعته مجبوردر .

آلک ایچون تورکیه جمهوریتی نك استقباله عائد اولان بو ایکی مسئله یی آری آری تدقیق ایتك اقتضا ایدر ...

نورکیم جمهورینی ایچونه بر اقتصاد مملکتک لزوم تشکیلی

اقتصاد ملیدن مقصد ملتک عصویت اقتصادی تامه سنی انکشاف ایتدیره رک سعادت حالی تأمین ایتکدر. اشوجهل حکمی نك واضی معلم شهرت شعار (لیست) : هر ملتک بر عضو مخصوص اقتصادی تشکیل ایتدیکنی و علی العاده ترقی ایله حال حیاته قالمسی ایچون شعبات مختلفه استحصالیه و استهلاکیه سنی کندی کندینی اداره و بر اجنبی مملکتک معاونتدن استغنا ایده بیلجک صورتده انکشاف ایتدیرمسنه وابسته اولدیغنی ارأه ایله مشدر .

بالفرض هر شعبه استحصالاتده اجانبک معاونتدن صرف نظر ایده مهن بر مملکت بر اجنبی دولتک آرزو و هوساته تبعیته مجبور اولاجنی کبی او دولتده کندیسنه ایسته دیکی شرائط اقتصادی یی تحمیل ایده جک و مذکور مملکتک استقلال سیاسی اسارت اقتصادی سنی تعقیباً تحت تهلکیه کیره جکدر .

بوخصوصده یونانستان شایان دقت بر نمونه تشکیل ایتکده در . منابع زراعیه دن محروم ، برای تعیش و دیگر دولتره محتاج و مستقل بر پولتیقه تعقیبی حالنده اقتصاداً محاصره ایدیلهرک آجلغه معروض

اولان یونانستان تام سربستی اقتصادیه ایله آتیسنی تعقیبه مقتدر اولامیه رق دول سائره نك پشنده قوشمغه مجبور اولمشدی .

بو وضعیت ، مملکتك استقلال اقتصادیسنی تأمینیه کافی منابع طبعیه ایله جناب حقل بزه بخش ایتش اولدینی تورکیه جمهوریتی ایچون عین مرکزده دکلدر .

آسیای صغری و آناتولی ازمینه قدیمه دن بری اوروپا نك مبدولیت آنباری ایدی . بوندن ماعدا مملکتك منابع استحصالیه سنده مستعمل اصول تعدیل وزراعی انكشاف ایتدیره رك مملکتك احتیاجاتی تأمین ایتدیکدن باشقه اوروپایی بیله بسلیه جك اقتدارده اولان آناتولی صنایعدن وسیر سفائنه مقتضی کموردن ماعدا قورشوندن بالاعتبار کوموشه قدر منابع معدنییه مالکدر .

آناتولی ، صنایع مرقیه یه مقتضی شرائطی حائز اولوب جهانك اعتلای اقتصادیسنده مهم بررول اوینایه بیله جکدر .

مع التأسف ، عثمانلی دولتی حکومتلری مملکتزك سعادت حال اقتصادیسنی کاملاً اھمال ایتشلردر . حکومت مذکورہ هر برتشبت اقتصادیه مانع اولان عهود قدیمه اقتصادیه بناء اللری باغلی برآدم کبی هیچ برشیته موفق اولاماشلردر .

مثلاً طقوزنجی عصره قدر کوچ حال ادامه حیات ایده بیلن بعض صنایع ملیه وبالخاصه طربزون ایله ازمیرو آناتولی نك برچوق قصبه و کویلرندہ قدیمأ برحال مرقیده بولان صنعت نسج ، اھالی محلیه نك تکالیف آلتندہ ازیلدیکی برزمانده معمولات اجنییه وبالجله معافیت رسومیه دن مستفیداجنی تجارتلری واسطه سیله محوایدلشدر که

هیچ بر فرد صنایع ملیه نك محافظه و انكشافی خصوصند. مسئولیتی
در عهد ایدمه مشدر .

روسیه دخی وقتیه عینی وضعیتده ایکن ۱۳ نجی عصرده
اسوچه قارشی اولان قانلی استقلال مجادله سنده مظفر ، فقط بیتاب
و ثروتنأ محو اوله رق چیقمشدی .

حرب میدانلرنده اقطاع ایدیلن مظفریاتدن سوکره بویوک
پهرک ایلک ایشی مظفریات مذ کوره بی تأمین موفقی اولمشدر .

بویوک پهر ، اجانب ایله مناسبات دوستانده بولونمقله برابر
روسیه به تجارت متحصصلری ایله مهندسلی بالادعوه صنایع ملیه بی
محافظه و انكشاف ایتدیرمش ، و صنایع مذ کوره بی مجدداً احیا
و حمایه ایتمش ، و بناءً علیه روسیه اصلاحاتنك اك بویوک عاملی
وقوه اقتصادی سنك تنظیمنه اك برنجی مسبی اولمشدر .

استقلال ملیسی ، اردو سنك و قوماندانلری و ملتنك فداکار
و طنپورلری سایه سنده اقطاع ایتمش اولان تورکیه جمهوریتده ،
عینی قدیم روسیه به واقع اولدینی کبی ساحه اقتصادده استقلال بی
تأمین ایتنك و بونی دفعهً احیا ایتنك وظیفه سی ترتب ایتکده در .

زراعت و حیوان یتشدیرمك برنجی درجه دهده حائز اهمیتدر .
اقتصاد ملتنك بو قسمنه عصری طرز مساعی بی تطبیق ایتنك سایه سنده
آسیای صغری بتکرار اوروپانك مبذولیت خزینه سی حالتی بالا کتساب
اجنبی اون پیاسه لرندن قورتولا جقدر .

زیتون یاغی اعمالاتی ایله توتون ، برنج و پاموقده عینی شرائطه
تابعدر . بو مقصدی تأمین مقتضی تدایردن کرچه بوراده اوزوند

اوزادی به بحث ایدیله من ایسه ده عصری زراعت اصوللرینه واقف معلم و متخصصلرک جلبی ، ولایاتده عملی زراعت مکتبلری وجوده کتیرله سی ، آلات و زراعت ما کنه لرینک کویلی به توزیی و تعمیری خصوصنده اتیلر احداثی کبی تسهیلات ابرازی لازمدر .

ایکجیلک صنعتی ایله قوزه جیلنک حمایه سی لزومی شایان ذکردر . بالخاصه حیوان یتشدیرمک خصوصنده بین الاھالی عصری بر اصولک تعمیمی ، حیوان خسته لقلرینه قارشى مجادله اجرایی ومعلومات عملیه نک کویله قدر تعمیم ونشری اقتضا ایدر .

اورمانلریمزک دخی منتظم بر اصوله توفیقاً اداره سی لازمدر . اوروپانک انشاآت کراسته و تراورسلره بویوک احتیاجی واردر . مملکت بویوک بر ثروت تأمین ایده بیلیمک استعدادنده بولنان اشبو شعبه اقتصادشمدی به قدر تماماً اھمال ایدلمشدر . اورمان مکتبلرینک متخصصین تحت نظارتنده اصلاحی وتورکیه جمهوریتی اورمان اصول اداره سنک یکیدن تنظیمی وادمانلرک منتظم بر اصوله توفیقاً قطعیه ، قطعیاتدن حاصل اولان بوشلقلرک یکی غرسیات ایله املاسی اقتضا ایدر .

بوراده ینه آناتولی نك احتوا ابتدکی معدن کومورینک پک معلوم اولان درجه ثروندنن وعلی الخصوص ، منتظم بر ایشله تمه اصولیه دهامهم نتیجه لر استحصالی ممکن اولان ارکلی وزونغلداق حوضه سندن بحث ایدیله جک دکلدر .

آناتولی ؛ معدن کومورندن ماعدا شیمدی به قدر ایشله دلمه مش واسع لینیت معدنلرینی دخی محتویدر . مثال اوله رق صوما ایله

آفیون قره حصارینک جنوب شرقیسنده کائن جای لیت معدنلریله
آماسینهك چلتك معدنلری ارأه ایدیه بیلیر .

آناتولی بالخاصه شیمدی په قدر همان ایشله دلامش اولان منابع
معدنیه سی ايله متمایزدر . زنکین قروم ، آنتیموان ، قورشون ،
چینقو ، کور ، باقر ، الخ ... معدنلر استفاده ایدلمکه مترقیدرلر .
بوخصوص ایچون اول امرده لزومی اولان سرمایه و-ما کنلر
مفقود اولدیغندن طولای آنلردن استفاده ایچون متحصصلره و سرمایه په
احتیاج اولوب آنلره سهولت کامله تأمین ایتك اقتضا ایدر .

بوندن ماعدا اشبو ایکی عنصر موجود اولسه دخی ایشلمه دن
استفاده بی تأمین ایدهك یوللر مفقوددر . یوللر بر مملكتك دامارلری
کیدر . یولسز بر مملكتده نه زراعت ، نه صنعت انكشاف و ترقی
ایده بیلیر . بوخصوصده هر شئی یکیدن یا بمق اقتضا ایده جکدر .

ایکنجی مسئله

یوقاریده ده سویله دیکمز وجهله اقتصاد ملی بی تجارت خارجه
احتیاجاتی ايله تألیف ایتك ، کندی احتیاجات استهلاکيه واستحصالیه سی
تأمین ایچون مبادله بین المللی تسهیل ایتك و نهایت بونلری دوست
یا خود متفق دولتلرک مبادله احتیاجاتی ايله تألیف ایتكدن عبارتدر .
زیرا ، نه قدر مستقل اولورسه اولسون دولتلرک ساحه اقتصاد په ده کی
تساندلری پرنسیپی نتیجه سی اولان کندی محصولاتلری بی مبادله
و کندیلرنده بولنمیان مواد ابتدائی بی الده ایتك ایچون یکدیگرلرینه
مراجعت ایتك ضرورتنده درلر .

داخلی اقتصاد ملی یوقاریده ده بحث ایتدیکمز وجهله ملتک

اجنيله قارشى كرك اقتصاد داخلى و كركه اقتصاد خارجى
خصوصنده سربست و مستقل بولمقى حقنى ايجاب ايتديرر .

توركيه جمهوريتى ، افعال اقتصاديه سنك سربستيسى زنجيرلانه
وملى بر حيات اقتصاديه امكانى ازاله ايدن واللى اياقلى باغلى
اوله رق ساده بر مخرج اقتصادى و اجنبى دولترك همده بين الملل
بر مستملكه سى حالته افراغ ايديلن ماضينك بتون تقيد اتندن له الحمد
قورتولمىدر .

بواجنبى حكومتلرى ، اسكى مستملكات پولتيقه لرينى تمقياً هم
اسكى توركيه يي وهمده كندى مستملكاتى ، محصولات صنايع لرينى
بهالى به صاتمق و يرلى اهالينك محصولات ابتدائيه لرينى اوجوز ساتون
المق كې يالكز كنديلرينه منافع تأمين ايدەرك توركيانى اضمار
ايشلردر .

توركيه جمهوريتك سياست اقتصاديه سى بالطبع دول اجنيه نك
بر طاقم منافعى واكتساب ايداش موقعلرينى رنجيده ايتمكده در .
چونكه بوندن صوكره مملكت مزده موجود اولان مواد ابتدائيه يي
بك دون فيأثله اله مدقن ماعدا معمولات صنايعه سنى ده ايسته دكلرى
كې ساتاميه جقلردر .

شمدي به قدر بو مواد ابتدائيه مملكتده هيچ ايشلنمىوردى
وياخود بك آز ايشله نيور و خام حالنده ممالك اجنيه به اخراج
ايدىلوردى .

خوايج ضروريه دن اولوب مملكت مزك محتاج اولدېنى صنايعدن
الك مهنى شكر اعمالا قى مسئله سيدر . بو صنعت توركيه ده موجود دكلدر ،

شكر احتياجا تميز كاملاً ممالك اجنبیه ادخالاتی ایله تطمین ایدلمکده در .
 حالبوکه شكر تورکیه ده پک اعلا اعمال ایدیله بیلیر . بو اعمالات
 پانجار زراعتک اصلاحی ، و پانجار محصولاتندن شگری استحصال
 ایچون قابریقه لر و تصفیه خانه لر کشادیله الده ایدیله بیلیر . بوکونه قدر
 بوکا عائد هیچ برایش یاپیله مامشدر .

ایکجیلک صنعتیده ثروت ملیه نقطه سندن غایت مهمدر .
 فی الحقیقه بروسه ده دوت اغاچلری زرعیاتی یاپیلیر ، اییک بوجکلری
 یتشدیریلیر و اییک قوزه سی استحصال اولونور . فقط مملکت مزده خام
 اییکی ایشله مکه کافی فابریقه یوقدر ، قوزه لر ممالك اجنبیه یه اخراج
 اولونور ، اوراده ایشله نیر و صوکره اییکلی قماش شککنده تکرار
 تورکیه یه ادخال اولونور . حالبوکه مملکتده عملی چالش دیرمق ،
 اهالی یه بوسورتله واردات تأمین ایتمک و عینی زمانده مملکتک منابع
 ثروتی اصلاح و تزئید ایتمک ایچون ملی منسوجات فابریقه لری کشادی
 تورکیه جمهوریتی حکومتک اک مهم دوشونجه لرندن بریسی اولمیدره .
 یوک و پاموق منسوجاتی ایچونده عینی حال وارددر . بوندن اوتوز
 قرق سنه اولنه کلنجه یه قدر اناطولینک برچوق شهرلرنده منسوجات
 اعمالا تخانه لری ، دستکاهلری موجوددی . فقط بونلر ممالك اجنبیه دن
 اوجوز اوله رق ادخال ایدیلن ماللره قارشى حمایه ایدیله مدیکسندن قاپانمه
 مجبور قالدیله . بوکون ، ماضیده یاپیلان خطالری تعمیر ایچون صرف
 غیرت ایتمک زمانی کیشدر .

بونک ایچون اناطولینک باشلیجه مرا کزینه شكر و منسوجات
 نمونه فابریقه لری کشاد ایده رک اهالی بی استحصالاته الیشدیرمق
 لازمدر .

بوفابریقه نمونه‌لری ایچوند هردرلو منابع ثروتی و شمندوفر مرکزی اولوق اعتباریلده هرطرفه قریقی درکار اولان اسکیشهری ذکر ایدیه‌بیلیرز .

کوسله ، دری مسئله‌سیده غایت مهمدر . خام دریلر بوکون کاملاً ممالک اجنبیهده ایشله‌نیر و مملکت‌مزدده هان ایشله‌نمز دینه‌جک مرتبه‌ده آذرر . بونک ایچون باشلیجه مراکزده دباغخانه‌لر تأسیس ودری معمولاتی فابریقه‌لری کنشادی لازمدر . [*]

کراسته اعمالی صنعتیده پک کری در . اشبو اعمالات ایچونده کافی درجه‌ده بیوک بیجی خانلر وماکنه ایله متحرک اعمال‌لاتخانه‌لر تأسیس ایدلملیدر .

باقر ، دمیر ، قورشون الخ کبی معادن ، مملکتده سرمایه‌نک وبونلری ایشله‌جک تأسیساتک فقدانندن ناشی خام حالنده ممالک ممالک اجنبیهده اخراج ایدلمکده .

مختصراً برقاج مثال نقل ایتدک . ملی اقتصادیاتمزی موقع فعله قویق ایچون عمومی ومفصل پلانلری ترتیب وتنظیم ایتک متحصصره طأددر .

بوپروغرامی تطبیق ایچون یالکز داخلأ جهد وغیرت ایتک ،

[*] فرانسز کوسله فابریقه‌لری سرمایه‌دارلرندن مرکب بر غروپ حکومته مراجعت ایدهدک اون میلون سرمایه وضع ایتک صورتیه بکقوز فابریقه‌سنی یکرمی سنه مدته وبرقاج بیک تورک عمله‌سی چالیشدیرمق وبر دباغ مکتبی آجق و حامل اولان تتمعدن ثلثی حکومته ترک ایدهدک بکقوز فابریقه‌سنی حقیق بر کوسله ودری مؤسسه‌سی حالته قوعنی درعهده ایشلرلدهده حکومتجه مسئله اهمیتیه درجه‌سنده تدقیق ایدیلده‌مشددر .

شخصی تشبیلرده بولمق ، سرمایه و متخصص تدارك ايتمك كفايت ايتمز . متخصصلری بر آرایه طوبلامق ، سرمایه لری تشویق ايتمك ، انكشاف ایدن صنایعی ، لایقيله تشكول ایدنجه قدر، اجنبی رقابته فارشی حمایه ايتلك ایچون حكومتك معاونهته احتیاج قطعی واردر .

اشبو حمایه یی تأمین ایچون اتخاذا اولنه جق تداییر یعنی فضله رسوم علیهنده دینیه بیلرکه مملكتده خلق ایچون حیات بهالیشیر ، ممنونیتسزلك حاصل اولور و ملی صنایعی تأمین ایچون فدا کارلقلر اختیارینه کوچلکله قاتلانیه یلنیر . بو اعتراض طوغری اولقله برابر بك نازك اولان حمایه سلاحنك و حمایه کار تعرفه لرك تدریجاً و کمال فطانت و درایتيله و بوکبی ایشلری اقتدار و لیاقتی هر کسجه معلوم اولان ذواته تودیعله حسن تدبجه استحصالی ممکندر .

موجود اولمان برشی حمایه ايتمك طیبی عبث اولور و خلقلکده طوغری اوله رق تأثرینه سبیت ویرر . مثلاً : مملكتك احتیاجاتی تأمینه کافی اون استحصال ایديله مدیکي حالده اونه و یاخود مملكتده هیچ شکر اعمال ایدلمدیکي حالده شکره رسوم طرح ايتمك فقرای اهالی یه بوموادى دها بهالی اوله رق صاتون آلفه مجبور اده رك اضرار ايتلکدرکه حكومتك دوشونه جکی مسائلدن اك مهمیدر .

مملكتده صنایع تدریجاً انكشاف و تأسس ایتدجه ، معمولات ملیه نك اجنبی معمولاتنه رقابت ایده بیلمی ایچون استحصالاته اكرامیه « پریم » اعطاسی صورتيله صنایع ملیه یی تشویق ايتلك لازمدر . بدایتده الزم اولان بوا اكرامیه مصارفك خلقه

بار اولمقسزین تأمین ایچون مقابلنده زینت اشیاسنه ادخالات
رسمی وضع ایدیه ییلیر. و صنایع ملیه تأسس ایتدکجه استحصالات
اکرامیه سی یرینه عینی جنسدن اجنبی معمولاتنه حمایه کار ادخالات
تصرفه لری تطبیق ایدیلیر .

صنایع ملیه نك اصلاحی داخل مملکتده رقابتك تأسیسی
و فیاتلرك اصغری حده تنزلی موجب اولور و بویله جه ملی صنایعك
توسی مستهلک لری هیچ بر صورتله اضرار ایتمز ، بالعکس مصارف
تقلیه دن متوسط طرک - قومیسو نیچلرك - حذفدن مواد معموله نك
مملکتده ارسال مصارفدن اخراجات و تکرار ادخالات دولایسیله
اختیار اولنان کمرک رسومندن یاپیله حق تصرفات عظیمه سببیه ،
مملکتده معمول موادك فیاتلری دیگر اجنبی مملکتده اخراج اولوب
اوراده اعمال اولندقدن صوکره تکرار مملکتده ادخال ایدیلن
مواد فیاتلرندن ده ها اهور اوله جفندن مستهلک ودها طوغریسی
فقرا ی اهالی بوندن مستفید اولور که خلق حکومتك وظائفدن
اك مهمنی تشکیل ایدیر .

دیگر طرفدن ، اعمال مصارفی و عمله اجوراتی ده کاملاً داخل
مملکتده قالد جفندن بوندن خلقمز استفاده ایدیر .

عینی زمانده صنایع ملیه مز مملکتده استقلال اقتصادی سی
و ملت مزه کندی اقتصادی قوتی بخش ایلر .

تورکیه جمهوریتی اقتصاد ملی به لازم اولان اساساتی اعطا ایدن
اجنبی سرمایه و صنایعی ایچون بر چوق سنه لر ده اولدقجه مهم
برخرج تشکیل ایدم جکدر .

اوروپا منافع اقتصادی سی بونقطه دن شایان ممنونیت حقیقی استفاده لر

تأمين ايتمش اوله جقلرندن توركيه يي اقتصاد ملي يولنده هر درلو تشبندن محروم براقان قايتولا سيونلر ايله مساعداتك لغوي يوزندن غائب ايدم جكلري منافى بوصورتله درحال تلافى ايله جكلردر .
 بوجه دن اوله رق حكومات اجنيه ايله دوستلق پرنسپلرینه مستند منافع مليه مرله آنلرك منافعلرينى توزين ايدم بيله جك اقتصادى بعض انحصارات اصوللرى ميدانه كتوريله بيلور .
 كمرك تعرفلرى و حكومات اجنيه ايله عقد ايدم بيله جك تجارت معاهده لرى بواساساته بناء ايدمك ايجاب ايدم .
 حكومه ، مملكتك داخلى احتياجات اقتصاديه سنه كوره خارج ايله اوله جق بين الملل سياست اقتصاديه يي تنظيم ايتمك اوزره هر درلو سربستى حركت [*] براقلمق اقتضا ايدم .

[*] حيات دولته تعلق ايدوب دولتك سياست خارجيه و اقتصاديه سيله صوك درجه ده علاقه دار اولان بوكي مسائلك ، مأمورين ملكيه لك اك مهم اركانى ، اركان حربى مثابه سنده بولنان مقتدر خارجيه مأمورلرى واسطه سيله تدقيق و تقيق واجبه دن ايكن رشديه تحصيلنى بيله ياريدم براقه رق و قيله خارجيه به انتساب ايلمش بعض ذواتك اليوم خارجيه وكالتى مشاورى عنوانيله معاهده ايشلريله ده مشغول اولدينى انفرده بالذات مشاهده ايدم ، بو حال جمهوريت پرنسپ و منافعه كلياً مفاير اولديندن خارجيه و اقتصاد و كپلرى ايله بيوك ملت مجلى خارجيه و اقتصاد انجمنلرى رئيس و اعضاى كرامنك نظر دقتلرينى جلب ايلكى وظيفه و طنبه دن عد ايدم .

مأمورين خارجيه يي سياسى و ادارى اوله رق ايكي صنفه آييارق برنجى صنفه حقوق دول ، تاريخ سياسى ، علوم اقتصاديه ... الخ ده متخصص اولانلرى بعدالتفرقى ديكر خارجيه مأمورلرى ايكنجى صنف اولاراق ادارى وظيفه لرده استخدام ايدم ليدر . يوزدن بشقه خارجيه و اقتصاد و كالتريته مربوط اولاق اوزره بره لوم سياسيه مكتى كشادى ده درجه و جوبده در .